

n^o 200
29

SANCTISSIMI D. N. D.
CLEMENTIS
DIVINA PROVIDENTIA
P A P Æ XII.
CONSTITUTIO

Diversas continens ordinationes
pro bona directione Conclavis,
ac rerum Sede Apostolica
Vacante agendarum.



ROMÆ, M DCC. XXXII.

Typis Reverendæ Cameræ Apostolicæ.

SEMINARY

WILLIAM P. BROWN

P. A. B. B. B.

CONSTITUTION

For the purpose of providing a
for the purpose of providing a
for the purpose of providing a
for the purpose of providing a
for the purpose of providing a



ROBERT M. BROWN

Typist: Reverend Canon A. B. B.

CLEMENS EPISCOPUS

SERVUSSERVORUM DEI

Ad perpetuam rei memoriam.



POSTULATUS Officium, quod inscrutabilis Divinæ Sapientiæ, atque clementiæ altitudo humilitati nostræ, nullo licet meritum nostrorum suffragio, committere dignata est, postulat, ut non præsentia tantum spectantes, sed futura quoque prospicientes, in iis etiam, quæ post resolutionis nostræ diem, consummatumque à nobis mortalis huius peregrinationis cursum eventura sunt, per opportunas, Deique gloriæ, ac Ecclesiæ utilitati consentaneas leges dirigendis, atque ordinandis, pastoralis sollicitudinis nostræ partes interponamus, sicut omnibus diutine considerationis trutina perpensis in Domino expedire arbitramur.

Sanè plurimi Prædecessores nostri, & præsertim, recol. mem. Simmachus, Nicolaus II., Alexander III., Georgius X., Clemens V., Clemens VI., Julius II., Paulus IV., Pius IV., Gregorius XV., ac Urbanus VIII. probè intelligentes quanti ponderis, & momenti sit ad Dominici gregis, ac Catholicæ Ecclesiæ providum regimen Electio, Romani Pontificis, qui Domini, & Salvatoris nostri Jesu Christi in terris Vicarius, Beatique Petri Successor, ac omnium Fidelium Pater, & Pastor existit, nec unius membri, sed totius corporis salutem agi animo reputantes, cum de capite consulitur, multis diversis temporibus, etiam in Conciliis generalibus saluberrimas ediderunt Constitutiones, quibus omni cupiditati, ambitioni, simoniæ, alterive cuius pravitati, turpitudini, deformitati, ac dissidiis ab ejusmodi electione præcluso aditu, summa prudentia, parique consilio providerunt, ut hoc tam sanctum, tamque grave opus pie, ac ritè perageretur, & in eo non caro, & Sanguis, aut aliquis humanus affectus locum ullum sibi viadicaret, sed Spi-

ritus

ut Sacra gratia cuncta dirigerentur, ac gubernarentur, neque ad Christi hereditatis, quam pretioso Sanguine suo quaesivit, curam, & administrationem gerendam, non nisi, qui vocatus foret à Deo tanquam Aron, assumeretur: Veluti quoque de accipiti, ac Romane, & universali Ecclesie periculo tempore, quo illa visibili suo Capite, ac Pastore viduata remanet, anxie solliciti dicti Praedecessores, in eadem Ecclesia multiplicibus longa vacationis exponeretur incommodis, haud praetermiserunt ea opportunè statuere, quae ad maturandum ipsius electionis felicem exitum conducere videbantur, ac decernere, quae interea agenda, & servanda essent, ac alias prout in praetatis Constitutionibus, quarum tenores praesentibus pro plenè, & sufficienter expressis, ac de verbo ad verbum insertis haberi volumus, uberius con-
tinetur.

Quia tamen saepe contingit, ut legum vel maxime salutarium, si non erebro excitetur, sensim ex animis hominum effluat memoria, experientiaque edocet, nonnulla ex iis, quae Sede Apostolica vacante praescripta fuerunt, aut usus revexit, pro temporum varietate, juxta quam humana etiam consilia multoties variare oportet, immutanda, ac supplenda esse, ut rectè in primis rerum tam difficili tempore agendarum ordini, justitiae administrationi, atque Evarij Pontificii indemnitati cumulatiùs prospectum, cautumque sit, quemadmodum Nosmet ipsi, qui in minoribus constituti majorem aetatis partem in Romana Curia egimus, ac dum Cardinalatus honore fungebamur, Comitibus ad Romanum Pontificum eligendum ter interfuimus, satis perspeximus, ac plures ex Venerabilibus Fratribus nostris S. R. E. Cardinalibus oximia pietatè, ac circumspectione praediti Nobis etiam innuerè, atque significare non omiserunt.

Hinc est, quod Nos pro Apostolici muneris Nobis divinitus commissi ratione, habita priùs super praemissis cum memoratis, nonnullisque alijs ipsius S. R. E. Cardinalibus mature deliberatione, de illorum consilio, ac etiam motu proprio, & ex certa scientia, deque Apostolica potestatis plenitudine, hac Nostra perpetuè valitura Constitutione, ea, quae sequuntur, statuenda, decernenda, & ordinanda diximus.

Primum igitur enarratas Praedecessorum nostrorum Constitutiones, ac omnia, & singula in eis contenta, & disposita, quae praesentibus tamen Litteris non adversantur, hanc serie confirmamus, approbamus, & innovamus, ac
incon-

inconcussæ, & inuolabiliter observari præcipimus, & mandamus.

Cæterum tametsi opus non esse in Domino confidimus, urgente Nos tamen Pastoralis Officii debito, ac præcipuo quo tenemur boni publici desiderio, Cardinales nunc, & pro tempore existentes, per viscera misericordiæ ejusdem Domini Nostri Jesu Christi, & per effusionem sui pretiosi Sanguinis enixè rogamus, hortamur, obsecramus, & monemus, ut tunc potissimè, dum scilicet de creando Romano Pontifice agitur, seriò perpendant rei, quam gerunt, gravitatem, Ministerii, quod per eos tractatur, magnitudinem, ac personæ, quam in Ecclesia Dei sustinent, dignitatem sedulòque recogitent se in renuntiando Supremo ipsius Ecclesiæ Rectore, divinæ mentis interpretes constitutos, nudaque omnia, & aperta esse in oculis ejus, cui solemnibus, & arctissimis jurisjurandi religione fidem suam promissuri, & obligaturi sunt; neque aliud esse forsitan posse in omni eorum vita factum, de quo tam arduum, atque difficile ei futurum sit, rationem reddere æterno, iustoque Judici, sempiterna vel præmia, vel supplicia decreturo. Itaque etiam sub divini interminatione judicii ejusdem Cardinalibus præcipimus itidem, & mandamus, ut in Suffragiis ferendis, ac aliis omnibus, & singulis Electionem quomodolibet concernentibus, solum Deum præ oculis habentes, & non suæ, sed quæ Christi sunt, quærentes, religiosè, sincerè, & liberè, humanis quibusque artibus, factionibus, partium studiis, omnique demum carnis affectu, ac privatis commodis, & desideriis remotis, atque Principum Secularium intercessionibus, cæterisque mundanis respectibus, ac etiam grati animi, & cujuscunque alterius necessitudinis titulo minimè attentis, & postpositis, sese gerant ad eligendum eum, quem universali Ecclesiæ fructuosè, utiliterque gubernandæ idoneum secundum Deum judicaverint, ac memores supradictarum Constitutionum, poenarumque in eis contentarum, ne quidquam facere, admittere, aut attendere, quod ab hoc proposito alienum sit, vel per quod Electio retardetur, aut libertati suffragandi quoquo modo officiator, per se, vel alium, directè, aut indirectè quovis colore, prætextu, vel ingenio audeat, seu præsumat.

Porro ab eisdem Prædecessoribus providè constitutum est, ut Apostolicæ Sedis vacatione durante Collegium Cardinalium in iis, quæ ad Pontificem Maximum, dum viveret, pertinebant, nullam omnino potestatem, aut jurisdic-

4
 Aliquem habeat, neque gratiam, neque iustitiam faciendi,
 aut factam per Pontificem defunctum executioni demandan-
 di, sed omnia futuro Pontifici reserventur; neque de Di-
 ctione temporali S. R. E., vel de pecuniis Camera, aut Da-
 taria Apostolica, etiam pro solutione debitorum ante obi-
 tum Pontificis quomodolibet contrahentium, aut alias ex
 quavis causa (certis quibusdam casibus expressis dumtaxat
 exceptis) quidquam disponere, nec ad proprium commo-
 dum aliquid percipere, nec res alienum contrahere possit.
 Nos præmissa approbantes, sub pœnis per dictas Constitu-
 tiones indictis insuper statuimus, & declaramus, quod idem
 Collegium Cardinalium, mandata de soluendis pecuniis
 huiusmodi (præterquàm in prædictis casibus exceptis, ac
 aliis infra exprimentis) favore cuiusvis personæ tam in Con-
 clavi, quàm extra illud existentis, etiam titulo remunera-
 tionis, præmii, laboris, ac etiam supplementi mercedis
 expedire, & relaxare, itaut tam Cardinales, qui contra
 præmissa aliquid attentaverint, quàm Camerarius, The-
 saurarius, Depositarius, & alii Officiales, qui eis in tali-
 bus obtemperaverint, de suo proprio Camera Apostolica
 plenariè satisfacere, & pecunias erogatas restituere, & quæ-
 vis damna resarcire à futuro Pontifice cogantur; nec etiam
 ejusmodi titulo licentiam extrahendi frumenta à Statu Ec-
 clesiastico concedere, nisi ubi extractio causa verè one-
 rosa competat, & tunc dummodò quantitatem debitam non
 excedat, ac tempus, quo extractio permitti solet, adve-
 nerit, neque cuiquam immunitatem, seu exceptionem ab
 Officio, vel servitio ei incumbente, vulgò Jubilationem
 nuncupatam tribuere, nec ullos reos, & delinquentes ab-
 solvere, vel per liberi commeatu tabulas, quas Salvum
 Conductum appellant, etiam ad tempus assecurare, nisi qui
 leviora delicta Sede ipsa Vacante commiserint, minùsq;e
 Exilium, aliamve quancunque pœnam etiam pecuniariam
 illis remittere, condonare, vel moderari valeat. Si quid
 verò contra præsentem prohibitionem factum sit, quilibet,
 ac etiam Officialis, qui id exequi coactus fuerit, rem de-
 nunciare teneatur futuro Pontifici, ut possit ad gestorum re-
 vocationem procedere, & in transgressores ad præscriptum
 hujus nostræ, ac Prædecessorum Constitutionum animadver-
 tere. Teneatur quoque Thesaurarius generalis sub pœna
 privationis sui Officii exhibere novo Pontifici intra mensem
 ab ejus electione numerandum computa, seu rationes accu-
 ratas, & distinctas omnium expensarum Sede Vacante fa-
 ctarum

5.
clarum cum specifica expressione singularum summarum,
causarum, ac personarum, quibus pecuniæ persolutæ fue-
rint, ad hoc ut ipse Pontifex aliquot Cardinales sibi bene-
vifos, qui tamen non sint tribus numero pauciores, depu-
tet ad examinandum ea computa, five rationes, ac dispi-
ciendum, sibi que referendum an aliquid inutiliter, five plus
quo impensum, aut aliàs præfenti, vel Prædecessorum Con-
stitutionibus, aut Chirographis infra etiam nominandis aliqua
ex parte hac in re contraventum fuerit.

Cumque tempore Sedis Vacantis duplex habeatur Car-
dinalium Congregatio, altera nempe generalis, five totius
Collegii, & altera particularis constans tribus Cardinalibus
antiquioribus, uno scilicet ex quoque Ordine non Camera-
rio, quorum Officium tertia die post Conclavis ingressum
omnino expirat, in eorumque locum tres alii sequentes in
ordine quolibet tertio die una cum eodem Camerario succed-
dunt: Volumus, ut in dicta Congregatione particulari live
ante, five post capta Comitia, levioris dumtaxat momenti,
ac in dies, seu passim occurrentia negocia expediantur. Si
quod verò gravioris momenti, ac indaginis fuerit, id omne
ad Congregationem generalem, seu Collegium Cardina-
lium deferatur; ac ulterius, quæ in una Congregatione par-
ticulari decreta, resoluta, vel denegata fuerint; in alia te-
vocali, mutari, aut concedi nequeant, sed id faciendi jus
habeat ipsa tantum Congregatio generalis per pluralitatem
suffragiorum.

Usum autem multo jam ab hinc tempore vigentem pro-
ponendi in prima Congregatione generali confirmationem
Gubernatoris Almæ Urbis, deinceps quoque retineri man-
damus. Et quod attinet ad cæteros Sedis Apostolicæ, Curie
Romanæ, ac Ditionis Ecclesiasticæ Officiales, & Ministros
cujuscumque qualitatis, gradus, ordinis, & conditionis fue-
rint, illos omnes in secunda Congregatione pariter gene-
rali, eodem contextu, ac unico urnæ, five bullula, ut vo-
cant, gyro juxta morem antiquum simul, & semel confir-
mari permittemus, aliàs pro confirmatis haberi volumus.
Si tamen aliquis ex dictis Officialibus, & Ministris adeo gra-
viter in munero suo deliquisse, aut defecisse, seu male veri-
satus fuisse credatur, ut plane indignus reputetur, qui in
muneris sui exercitio relinquatur, statuimus, quod Cardi-
nales in Ordine Priores rem totam, ac probationes, quæ
adversus talem Officialem, seu Ministrum suppetunt, distin-
dè, ac ordine exponant in una Congregatione generali, ad

hoc, ut singuli Cardinales earum subsistentiam, atque relevan-
tiam recognoscere possint, ac post tres exinde dies in alia
Congregatione item generali proponi, & agitari debeat,
cum dictus Officialis, seu Minister confirmandus, vel à su-
muneris exercitio suspendendus veniat usque ad electionem
futuri Pontificis? illudque obtineat, ac firmum sit, quod
resolutum fuerit maiore parte suffragiorum secretorum, & si
decreta est suspensio, plures ad munus, de quo agitur, ex-
cendendum in primis habiles, & idonei à Cardinalibus propo-
nantur, & ex iis, qui præ cæteris aprior visus fuerit, in lo-
cum Officialis, seu Ministri suspensi subrogetur per plurali-
tatem similiter suffragiorum, donec eligatur Pontifex.

Quoniam verò exempto ab humanis Pontifice Cardina-
les Legati in Provinciis Status Ecclesiastici protinus ad Com-
mitia invitantur, in iuncto eis interim suæ Legationis admi-
nistrationem tradere prolegatis, quibus mandatur, ut eam
Sacri Collegii nomine suscipiant, populorum securitati pro-
videant, ac sedulo curent, ne tumultus excitentur. Ad
quancumque dissensionis, & controversiæ, quæ inter Car-
dinales Legatos, eorumque Prolegatos nasci possent,
occasionem submovendam, decernimus, ut Edicta, quæ in
Provinciis præfatis, Sede Apostolica Vacante, & Cardinalibus
Legatis absentibus, vulgari contigerit, ab ipsis Prolegatis
cum propria subscriptione, appolito tamen eisdem Edictis
nomine, & quæ typis imprimantur, etiam Stemmate gentili-
tatis Cardinalium Legatorum absentium, liberè publicentur.
Cardinales autem Legati, quamdiu à Legatione abserint,
ac Sedis vacatio duraverit, nulli subalterno in Legatione,
Ministro, seu Officiali, aut cuivis alteri quicquam insciis
Prolegatis imperent, minùsque executioni demandari faciant.

Præterea tres in posterum Cardinales ex eis, qui Com-
mitiis aliàs interfuerint, à Collegio eligendos præfici Clau-
suræ, ac curam Conclavis habere, & gerere statumus, qui
disposita à Prædecessoribus circa clausuram, ac curam huius-
modi omni sedulitate, & diligentia exequantur. Cellas
Cardinalium his qualibet hebdomata, aliæque ipsius Con-
clavis loca crebrò visitent, illius munditiæ præstent, ac soler-
ter perquirant, ne in eisdem Conclavis muris, fenestris, la-
quearibus, vel pavimentis vetita foramina fiant, vel fene-
stræ aperiantur, aut amplientur, unde cum exteris collo-
quendi, sive communicandi copia, & facultas detur, ac si
quæ foramina facta, aut fenestras sic apertas, & ampliatas
deprehenderint, statim occludi, & obturari, in pristinumque

statum restitui curent; prohibeant quoque arma, seu stemmata gentilia cuiusvis Cardinalis quocumque Officio fungentis alio quam propriae suae Cellae imponi, appendi, & depingi, & si illa repererint in quacumque alia parte Conclavis consistencia, statim amoveri, ac deleri faciant. Cellas porro Cardinalium absentium live mobilibus instructas, & ornatas, siue non, Cardinales in Conclavi existentes nusquam occupent, sed ad dictos tres Cardinales clausura, & Curiae Conclavis praepositos pertineat earundem Cellarum usum, & commodum Cardinalibus, qui Cellas suas vicinas habent, congrua inter eos servata proportione destinare, donec praedicti Cardinales absentes advenerint. Ipsorum autem trium Cardinalium munus istiusmodi toto tempore Comitiorum durare volumus, eisque quaecumque necessariam, amplamque in praemis, & circa ea potestatem harum serie tribuimus.

Scrutinis etiam, quae pro electione Pontificis bis in die a Cardinalibus sunt, siue manuscripta, siue impressa fuerint, in Conclavi ad eos, qui foris sunt, mitti, ac renunciari, & ab eis recipi, proferri, aut vulgari omnino prohibemus sub poenis adversus mittentes in Conclavi, ac exinde respectu recipientes litteras, scripta, nuncios, notas, aut signa, etiamsi Cardinalatus honore praesulgeant, a dictis Praedecessoribus expresse sancitis, eo ipso per transgressores incurrendis.

Atque menti Praedecessorum pariter insistentes, eisdem Cardinalibus praecipimus, ut frugalitatem, & temperantiam in victu observent, procul ab omni luxu, pompa, atque etiam in deferendis ad Conclavum cibariis lautioris cultus ostentatione.

Ne Magistrorum Ceremoniarum, qui in Comitibus adhibentur, nimium excreseat numerus, in futurum non plures quam sex ad summum, duo scilicet participant, & totidem non participant noncupati, ac reliqui duo antiquiores ex supranumerariis in Conclave admittantur.

In eorundem quoque Praedecessorum Constitutionibus inter alia habetur, quod Sacrista cum uno Clerico coadiutore in Officio Sacristiae, ac unus Collegii Secretarius tantum Conclave ingrediantur, adiatque unus Faber Lignarius, & unus Cementarius, item octo, aut decem servientes publicae utilitati, & commoditati omnium, veluti pro lignis portandis, pro verrendo Conclavi, & similibus necessariis ministrandis, qui a Collegio Cardinalium, non tamen ex fami-

lia alicujus Cardinalis, per fabas secretas eligantur, ita tamen, ut is obtineat, qui plura vota tulcrit, & illis Salarium de publico persolvantur. Nos eidem Sacristæ ultra Clericum hujusmodi, ac Subsacristam, alterum, qui eidem Sacristæ, & Missis celebrandis deserviat, seu assistat, Magistris Cæremoniarum, qui in Conclavi, ut supra admittentur, unum famulum, non quidem pro eorum singulis, sed pro omnibus sic admittendis, Secretarij autem Collegij duos Aduutores, qui cum assiduo, quo tunc maxime oneratur labore levare possint, ac unum quunque famulum, qui tamen per Cardinales deputatos approbati debeant, in Conclave duocere, & habere permittimus. Cumque octo, decemve publicè servientes prædictos necessarij in Conclavi ministrandis haud satis esse compertum sit, indeque factum, ut eorum numerus in præteritis Comitibus auctus fuerit, in posterum tringintaquinque (dictis tamen duobus famulis pro Magistris Cæremoniarum, ac Secretarij Collegij ipso numero comprehensis) & non plures servientes ejusmodi à Collegio Cardinalium eligantur, qui sicuti de illis octo, aut decem à Prædecessoribus dispositum est, non sint ex familia alicujus Cardinalis, minime attenta, aut suffragante quacumque contraria consuetudine, aut declaratione, etiam pluries ab eodem Collegio Cardinalium edita. Quo autem ad Fabros Lignarium, & Cæmentarium, nullus recipiatur, qui reverà artes illas non calleat, publicèque profiteatur, ac exerceat, nec Collegium ullam potestatem habeat dispensandi circa dictas qualitates, aliaque præmissa.

Per obitum Pontificis, nec Camerarii, nec Pœnitentarii Majoris Officia cessare, à dictis Prædecessoribus cautum quodque reperitur, verum quia contingere potest alterius, sicut in novissimis accidit Comitibus, ac etiam utriusque Officii hujusmodi vacatio ante novi Pontificis creationem: formam, propterea tunc observandam stabilire volentes, decernimus, ut si, & quando id evenierit, Congregatio Generalis triduo post secutam vacationem alterutrius ex præfatis Officiis habeatur, ac vota, seu suffragia Cardinalium post absolutum scrutinium simul congregatorum pro deputatione illius, qui Camerarii, vel Pœnitentarii Majoris vices suppleat usque ad electionem novi Pontificis, exquirantur, denturque per Schedulas secretas, & impressas, à Magistris Cæremoniarum etiam ab infirmis Cardinalibus colligendas, ac coràm atibus Cardinalibus eo tempore in ordine Prioribus, presentibus, eidem Cæremoniarum Magistris, atque Collegij Secretariis

aperiendas, isque deputatus habeatur, in quem major pars
votorum, seu suffragiorum prefatorum convenerit, ac sic
deputato facultates omnes, quas ipse Camerarius, vel Poe-
nitentiarius Major, exercere poterat, quandiu Sedes vaca-
verit, attribuimus.

Ad hæc, com-juxta Statuta dictorum Prædecessorum
idem Poenitentiarius Major, & ejus Officiales, ea tantum
tempore Sedis Vacantis facere, & expedire valeant, ad for-
um Conscientiæ dumtaxat pertinentiæ, quæ poterant vive-
re Pontifice exercere, & in reliquis munus eorum conquis-
ceant, itaut à quibuscumque Matrimonialibus, & aliis dispen-
sationibus, ac absolutionibus, & declarationibus, necnon
quibusvis aliis expeditionibus forum-fori mixtum, vel sepa-
ratim quomodolibet, respicientibus, omnino abstinere de-
beant; aliquæ verò sint Censuræ Ecclesiasticæ, à quibus in in-
nodati, præterquam in mortis articulo constituti, non nisi ab
ipso Romano Pontifice pro tempore existente absolvi queunt,
adempta nominatim Poenitentiario Majori id faciendi potes-
tate, atque multoties accidat, ut talibus Censuris irriteri
verò poenitentes, & erepta sua sincero animo detestantes,
absolutionis beneficium Sede Vacante, enixius imploreant.
Quò Disciplinæ Ecclesiasticæ conservationi, simulque ani-
marum fidelium, quos Dei misericordia ad poenitentiam vo-
caverit, saluti consultum sit, eidem Poenitentiario Majori,
vel ei qui in illius locum successus fuerit, ut præfertur, fa-
cultatem tribuimus ab his etiam Censuris Sede Vacante,
fideles prædictos, re tamen prius in Signatura ipsius Officii
Poenitentiariæ Apostolicæ examinata, servatisque aliis ser-
vandis absolvendi ad tempus scilicet, & eundem reincidentibus
in dictas Censuras, itaut qui fuerint absolvi, ad novum Pon-
tificem intra terminum prædistantia locorum definiendum
recurrere, & ab eo plenarie absolutionis beneficium petere,
& obtinere teneantur, nec Poenitentiario Majori, seu in il-
lius locum successo præfixum terminum, post Pontificis Ele-
ctionem, ampliare, vel prorogare liceat.

Et si Vicarium Pontificis in Alma Urbe, ejusque
Districtu, in Spiritualibus generale, Sede Vacante,
è vivis quoque decedere contigerit, nec Animæ Christi fide-
lium Urbis, ac Districtus prefatorum aliquod inde accipiant
in ipsius Spiritualibus detrimentum, tunc existentis Vicesge-
renti dicti Vicarii, quandiu Sedes vacaverit, omnes, & sin-
gulas facultates, auctoritatem, & potestatem, quæ eidem
Vicario pro exercitio Officii Vicariatus quomodolibet

competebant; quasque Pontifex ipse occurrente vacatione Vicariatus Sede plena Vicegerenti prædicto quandoque per aliquod tempus, donec scilicet Successorem Vicarium deputaverit, attribuisse solet; tenore præsentium concedimus, ac impartimur.

Inferiorum quoque Ecclesiarum, præsertim Sedi Apostolica immediate subiectarum necessitatibus, quæ Sede Vacante occurrunt, aliqua ratione subvenire cupientes, cum non raro per Catholicos præcipuè Antislites, & Locorum Ordinarios, aliosve Christianos instantibus, aut ingruentibus illo tempore dictis inferioribus Ecclesiis, vel aliàs rei Ecclesiasticæ incommodis opportunum, promptumque Collegio Cardinalium requiratur remedium, quod Pontifex, si adesset, ferre minimè prætermitteret. Voluimus, ut si res talis sit, quæ in aliud tempus differri valeat, futuro Pontifici omnino reservetur, sin autem nullam admittat moram, tunc eidem Collegio concedimus, ut committere possit negotium Præfecto, & aliquot aliis Cardinalibus eius Congregationis, ad quam Pontifex illud examinandum verisimiliter remisisset, qui negotio accuratè discusso ea de super decernant, per modum tamen provisionis, donec nimirum eligatur Pontifex, quæ juxta datam sibi à Domino prudentiam juribus, & rationibus Ecclesiasticis custodiendis, ac tuendis, & consentanea censuerint.

Et quia Sede Vacante, ejus, qui manus Auditoris defuncti Pontificis obibat, planè expirat jurisdictio, indeque plurimum Causarum forentium Audientia, ac Justitiæ cursus non sine ingenti identidem litigantium jacturâ impediuntur: præ tempore existenti Auditori Signaturæ Justitiæ, cujus, dum Cardinalatus dignitate fulgebamus, Præfecturam gessimus, earundem tenore præsentium committimus, & mandamus dantes ei ad hoc facultates necessarias, & opportunas, ut citationes, & recursus, qui coram Auditore Pontificis defuncti tunc pendere reperientur, prout juris fuerit, expediat.

Camere Apostolicæ dispendiis, quantum fieri potest, obviare præterea cupientes, Chirographum fel. rec. Alexandri Papæ VIII. Prædecessoris etiam nostri super moderatione expensarum Sede Vacante, ac ratione Conclavis faciendarum die XXIX. Novembris MDCXC. editum, etiamsi ante hæc executioni usquequaque demandatum non fuerit, in omnibus, & per omnia, quæ præsentibus identem, ac Chirographo per nos etiam, ut infra, edendo non adversantur, servari præcipimus.

Infuper iustis, & rationalibus causis Nobis notis, animumque nostrum moventibus adducti, Officium Gubernatoris Conclavis, ac utriusque Burgi, seu Civitatis Leoninae cum ejusdem Officii titulo, denominatione, essentia, ac juribus, privilegiis, facultatibus, jurisdictione, stipendiis, honoribusque, & oneribus universis ei annexis, ipsarum tenore praesentium perpetuò supprimimus, tollimus, extinguimus, & abolemus, ac suppressum, sublatum, extinctum, & abolitum esse, & perpetuò fore declaramus. Gubernium verò dicti Burgi, seu Civitatis Leoninae tempore Sedis Vacantis per Almae Urbis Gubernatorem in futurum administrari, & exerceri sancimus eisdem prorsus modo, & forma, quibus per eum vivente Pontifice administratur, & exercetur. Gubernium autem Conclavis unà cum Cohorte Militum, sumptibus Camerae Apostolicae alenda, quam ipsius Conclavis Gubernator habere consueverat, ceterisque juribus, privilegiis, facultatibus, jurisdictione, (non tamen in utroque Burgo, seu Civitate Leonina hujusmodi) honoribus, & oneribus, qui, & quae dicto Gubernatori Conclavis quomodocumque competebant, ac incumbabant respectivè, aut competere, & incumbere poterant, Praefecto Palatii Apostolici pro tempore existenti, Sede Vacante, similiter in perpetuum demandamus, & committimus, idque praeter, & ultra facultates, ac jurisdictionem in eodem Palatio, seu aliter illi concessas per quosdam pie memoriae Benedicti Papae XIII. Praedecessoris etiam nostri in forma Brevis litteras, quas Sede Vacante durare, ac vigere statuimus, & quatenus opus sit, ad id tempus extendimus, & ampliamus: Mandantes propterea, per Cameraam Apostolicam dicto Praefecto Palatii Apostolici in singulos menses, quibus Sedes vacaverit, subministrari mille scuta monetae Romanae, unde cibos, ac frugalem mensam Praelatis Conclavi assistentibus parare, ac praebere valeat, ad quem effectum linteis, ac suppellectilibus etiam argenteis Palatii praedicti ad usum hospitum, seu exterorum vulgariter *della Foresteria* destinatis, necnon opera, & ministerio Officialium Palatii praefati, quorum munera per obitum Pontificis minimè cessant, uti possit. Ad eundem quoque Praefectum Palatii spectare volumus curam asservandi, ac custodiendi Pontificios annulos, illamque suppellectilem argenteam, quae pro futuro Pontifice concinnari, & aptari debent.

Officium item Custodis Fontium, qui in Conclave derivantur, utpote supervacaneum perpetuò supprimimus, extinguimus, & abolemus, memorati Gregorii XV., aliorumque Praedecessorum contrariis dispositionibus amplissime derogantes.

Cumque rec. etiam mem. Innocentius Papa XII. Prædecessor noster, dum venalitatem Officiorum causarum Curia Camera Apostolica Auditoris, ac ejusdem Camera Thesaurarii generalium, atque duodecim Præfidentium Clericorum, & unius Præsidis sustulit, omnia, & singula emolumenta tam ordinaria, quàm extraordinaria, jura, bona, obventiones, jocalia, regalia, & alios quoslibet proventus certos, & incertos, quæ Sede plena, vel vacante in compensationem pretii persolui eisdem Officialibus debebantur, & solvebantur, penitus cessare decreverit, actam illam, quàm subinde universa, quæ Cardinalis Camerarius similiter sede plena, aut vacante percipere consueverat, exceptis dumtaxat provenientiibus ex Sigillo Officii Camerariatus, quæ scilicet ipsi Camerario reservata, ac quibusdam aliis, quæ publicæ Aromatarie, seu Medicamentorum Officinæ pro Pauperibus in Urbe institutæ assignata fuerunt, ipsi Camera Apostolicæ generaliter, ac perpetuò reuaverit, applicaverit, & incorporaverit, prout constat ex his ejusdem Innocentii Prædecessoris desuper sub pluribus Anno Incarnationis Dominicæ MDCXCII. decimo Kalendaris Novembris, & Anno MDCXVIII. quarto Idus Augusti expeditis litteris, quarum tenores præsentibus pariter pro plenè, & sufficienter expressis, & insertis haberi volumus. Proinde Nos perpetuam reunionem, applicationem, & incorporationem ejusmodi, dictasque Innocentii Prædecessoris litteras similiter confirmantes, ac quatenus opus sit innovantes, necnon quancumque consuetudinem, usum, interpretationem, gratiam, declarationem, aut concessionem in contrarium quomodolibet subsequutam emolumenta præfata tempore Sedis Vacantis respicientem revocantes, & abrogantes, prohibemus ne de cetero prædicti Auditor, Thesaurarius, Præsidentes Clerici, & Præses, ac Cardinalis Camerarius nunc, & pro tempore eidem existentes quicquam ex emolumentis, aliisque præmissis quibuscumque sic reunitis, applicatis, & incorporatis Sede Vacante attingant, exigant, aut percipiant; translato vicissim in eandem Camera onere eorum sumptuum, quos dictus Cardinalis Camerarius ratione emolumentorum præfatorum, dum ab eo perspiciebantur, tempore Sedis Vacantis sustinebat.

Chirographum insuper pro reformandis potissimum quibusdam minùs necessariis, aut superfluis, aliisque ordinandis expensis, quæ Sede Vacante non minùs per dictam Camera Apostolicam: quàm per Camera Capitolinam, seu ejus nomine fieri noscuntur, nonnullisque aliis rebus eo tem-

potè salubriter dirigendis, propediem edare decrevimus, quod eadem vim, robur, & efficaciam, ac præsentes, habere volumus.

Neque tamen, dum animum ad levamen Aerarii Pontificii adijcimus, Christi pauperum, ac egenorum obliviscimur, probè scientes eo maximè tempore, cum de creando Pontifice agitur divinam opem per assiduas preces, aliaque Christianæ pietatis, & charitatis opera impensius expectandam, ac promereri satagendum esse; ideoque sicuti magnopere commendamus, ita quoque retineri volumus laudabilem morem in tribus postremis Comitibus observatum, ut scilicet defuncti Pontificis Eleemosynarius id muneris exercere pergat cum debita Collegio Cardinalium subjectione, & ab eo dependentia, donec, ac quousque novus Pontifex eligatur, utque eadem pecuniæ quantitas in subventionem dictorum pauperum, & egenorum Sede Vacante per ipsum Eleemosynarium dispensetur, ac erogetur, quæ vivente Pontifice distribui solet, ad quem effectum consuetamandata à tribus Cardinalibus in Ordine Prioribus, seu deputatis expediantur.

Postremò distictè præcipiendo mandamus omnibus, & singulis Cardinalibus præsentibus, ac quodcumque futuris, ne contra hanc nostram Constitutionem, & in ea præscripta, atque contenta quicquam disponere, ordinare, statuire, facere, tractare, moliri, vel attentare, eave in aliquo corrigere, alterare, seu mutare præsumant quovis prætextu, causâ, vel exquisito colore.

Utque hujusmodi nostra Constitutio inviolabiliùs servetur, tres Cardinales, qui supramemoratam Congregationem particularem pro tempore constituunt, ac Ordinum Capita communiter appellantur, & cum ijs Cardinalis Camerarius, eandem Constitutionem in omnibus, & per omnia, prout etiam disposita à dictis Prædecessoribus huic nostræ Constitutioni non repugnantia exactè observari procurent, & faciant, super quo per eos, ipsumque Camerarium rationem futuro Pontifici reddi debere statuimus, & mandamus.

Decernentes pariter ipsas præsentes Literas, & in eis contenta quæcumque, etiam ex eo, quod ejusdem S. R. E. Cardinales, eorumque Collegium, & alii quilibet in præmissis juxta, vel interesse habentes, seu habere quomodolibet prætendentes, illis non consenserint, nec ad ea vocati, sive auditi fuerint, vel ex alia quacumque causâ colore, prætextu, & capite, etiam in corpore juris clauso, nullo unquam tempore de subreptionis, vel obreptionis, aut nullitatis vitio,

74
vitiis, seu intentionis nostræ, vel interesse habentium, aliove quolibet etiam formali, & substantiali defectu notari, impugnari, infringi, retractari, aut in controuersiam vocari, vel aduersus illa aperitionis oris, restitutionis in integrum, aliudve quodcumque juris, facti, vel gratiæ remedium intentari, vel impetrari, seu impetrato, vel etiam motu, scientia, & potestatis plenitudine paribus concessio, vel emanato quempiam in iudicio, vel extra illud uti, seu se iuvare posse: Sed easdem præsentēs Litteras semper, & perpetuò firmas, validas, & efficaces existere, & fore, suosque plenarios, integros effectus sortiri, & obtinere, ac iis, ad quos spectat, & pro tempore quodcumque spectabit, plenissimè suffragari, & ab eis respectivè inviolabiliter quocumque observari; sicque, & non aliter in præmissis per quoscumque Iudices Ordinarios, & Delegatos etiam Causarum Palatii Apostolici Auditores, ipsosque Cardinales, ac eorum Collegium, & quosvis alios quacumque præminentia, & potestate fungentes, & functuros, sublata eis, & eorum cuilibet quavis aliter iudicandi, & interpretandi facultate, & auctoritate, judicari, & definiri debere, ac irritum, & inane, si secus super his à quoquam quavis auctoritate scienter, vel ignoranter contigerit attentari.

Non obstantibus præmissis, ac quatenus opus sit, Nostris, & Cancellariæ Apostolicæ regulis de jure quæsito non tollendo, quodque Cardinales in Constitutionibus, & regulis pro tempore edendis non comprehendantur, nisi illæ eorumdem Cardinalium favorem concernant, vel de ipsorum, seu majoris partis eorum consilio emanaverint, ipsiusque Pii IV. Prædecessoris de gratiis dictæ Cameræ Apostolicæ interesse quomodolibet concernentibus in eadem Camera intra certum tempus præsentandis, & registrandis, itaut præsentēs litteras ibidem præsentari, aut registrari nunquam, necesse sit, alijsque Apostolicis, ac in universalibus Conciliis editis generalibus, vel specialibus Constitutionibus, & Ordinationibus, necnon Decretis Consistorialibus, dictique Collegii, & aliis quibusvis etiam juramento, confirmatione Apostolica, vel qualibet firmitate alia roboratis statutis, styli, uisibus, & consuetudinibus etiam immemorabilibus, Privilegiis, Indultis, & Litteris Apostolicis eisdem Collegio, & Cardinalibus, ac cuilibet eorum, alijsve sub quibuscumque verborum tenoribus, & formis, ac cum quibusvis etiam derogatoriis derogatoriis, alijsque efficacioribus, efficacissimis, ac insolitis clausulis, irritantibusque, & alijs decretis etiam motu, scientia, & potestatis plenitudine similibus, ac etiam consistorialiter, & alijs quomodolibet,

& ex quavis causa etiam hic forsan necessario exprimenda in-
~~contrarium grandiorum consensu. Cernatis. Sedis. &~~
 plures, & quantiscumque vicibus confirmatis, approbatis,
 & innovatis.

Quibus omnibus, & singulis, etiamsi pro illorum sufficienti derogatione, de illis, eorumque totis tenoribus specialis, specifica, expressa, & individua, ac de verbo ad verbum, non autem per clausulas generales eisdem importantes mentio, seu quævis alia expressio habenda, aut aliqua alia exquisita forma ad hoc servanda foret, illorum omnium, & singulorum tenores præsentibus pro plenè, & sufficienter expressis, & ad verbum insertis habentes, illis alias in tuo robore permanentis ad præmissorum effectum duntaxat specialiter, & expresse, ac plenissimè, & amplissimè derogamus, ac derogatum esse volumus, & mandamus, ceterisque contrariis quibuscumque.

Volumus quoque, & Apostolica auctoritate decernimus has nostras Litteras in Libellum redigi, aliisque Prædecessorum nostrorum Constitutionibus, quæ in prima Congregatione generali post decessum Pontificis, & deinde in Conclavi leguntur, adjungi, ac unâ cum eis legi, nec non juramentum à Cardinalibus de eisdem nostris Litteris observandis emitti, prout quoque illas simul cum dictis Constitutionibus, **Quintæ Cancellariæ Apostolicæ adhiberi, & ad Patres** Ecclesiæ Lateranensis, Basilicæ Principis Apostolorum, dictæque Cancellariæ, & in Acie Campi Floræ de Urbe publicari: Volentes etiam quod ipsarum præsentium Litterarum transcriptis, seu exemplis etiam impressis, manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem per totum fides in judicio, & extra illud adhibeantur, quæ præsentibus ipsis adhibeantur, si forent exhibite, vel ostense.

Nulli ergo omnino hominum liceat paginam hanc no-
stram confirmationis, approbationis, admonitionis, hor-
tationis, mandatorum, preceptorum, decretorum, statu-
torum, ordinationum, suppressionis, extinctionis, aboli-
tionis, prohibitionis, voluntatis, & derogationis infrin-
gere, vel ei ausu temerario contraire; Si quis autem hoc
attentare presumpserit, indignationem Omnipotentis Dei,
ac Beatorum Petri, & Pauli Apostolorum ejus se noverit
incurturum. Datum Romæ apud Sanctam Mariam Majorem
anno Incarnationis Dominicæ millesimo septingentesimo tri-
gesimo secundo, Quatto nonas Octobris, Pontificatus nostri
anno tertio.

✠ Ego Clemens Catholicę Ecclesię Episcopus.



✠ P. Episcopus Tusculanus Cardinalis Otthobonus S. R. E. Vicecancellarius promitto, voveo, & juro.

✠ Ego Ludovicus Episcopus Albanensis Cardinalis Picus promitto voveo, & juro.

✠ Ego I. R. tit. S. Laurentii in Lucina Presbyter Cardinalis Imperialis promitto, voveo, & juro.

✠ Ego I. A. Cardinalis tit. S. Petri ad Vincula Presbyter de Via promitto, voveo, & juro.

✠ Ego A. F. tit. S. Praxedis Presbyter Cardinalis Zondadari promitto, voveo, & juro.

✠ Ego Petrus tit. S. Marię Trans-Tyberim Cardinalis Corradinus promitto, voveo, & juro.

✠ Ego C. tit. S. Eustachii Presbyter Cardinalis Origus promitto, voveo, & juro.

✠ Ego N. tit. SS. Nerei, & Achillei Presbyter Cardinalis Spinola promitto, voveo, & juro.

*

*

* Ego Iulius tit. S. Chryfogoni Cardinalis Alberonus promitto, voveo, & juro.

*

* Ego Georgius tit. S. Agnetis Presbyter Cardinalis Spinula promitto, voveo, & juro.

*

* Ego Cornelius tit. S. Cæcilie Cardinalis Bentivolus promitto, voveo, & juro.

*

* Ego Ludovicus tit. S. Priscæ Cardinalis Belluga promitto, voveo, & juro.

*

*

*

* Ego Alvarus tit. Sancti Bartholomæi in Insula Cardinalis Cienfuegos promitto, voveo, & juro.

*

* Ego I. B. tit. S. Matthæi Presbyter Cardinalis de Alterijs promitto, voveo, & juro.

*

* Ego Vincentius tit. S. Onuphrij Presbyter Cardinalis Petra major Penitentiarius promitto, voveo, & juro.

*

* Ego Angelus Maria tit. S. Marci Presbyter Cardinalis Quirinus promitto, voveo, & juro.

*

* Ego N. A. tit. SS. Ioannis, & Pauli Presbyter Cardinalis Lercari promitto, voveo, & juro.

*

* Ego F. A. tit. S. Sixti Presbyter Cardinalis Finus promitto, voveo, & juro.

*

*

*

*

* Ego Fr. Vincentius Ludovicus tit. S. Pancratij Cardinalis Gotti Ord. Præd. promitto, voveo, & juro.

*

* Ego D. Leander tit. S. Callisti Presbyter Cardinalis de Porzia promitto, voveo, & juro.

*

* Ego P. A. tit. S. Laurentij in Pane, & Perna Presbyter Cardinalis Caraffa promitto, voveo, & juro.

*

*

* Ego F. tit. S. Silvestri in Capite Presbyter Cardinalis Burghesius promitto, voveo, & juro.

*

* Ego A. tit. S. Mariæ de Ara-Coeli Presbyter Cardinalis Salviati promitto, voveo, & juro.

*

*

Ego

- * Ego Vincentius tit. S. Petri in Monte Aureo Cardinalis Bichius promitto, voveo, & juro.
- * Ego Ioseph tit. S. Thomæ in Parione Presbyter Cardinalis Firrao promitto, voveo, & juro.
- * Ego Antonius Xaverius tit. S. Stephani in Monte Cælio Cardinalis Gentili promitto, voveo, & juro.
- * Ego Fr. Io: Antonius tit. S. Martini in Montibus Cardinalis Guadagni promitto, voveo, & juro.
- * Ego T. tit. SS. Quirici, & Iulitz Cardinalis de Aquaviva promitto, voveo, & juro.
- * Ego L. S. M. in Via lata Diaconus Cardinalis de Alteriis promitto, voveo, & juro.
- * Ego C. S. Agathæ Diaconus Cardinalis Columna promitto, voveo, & juro.
- * Ego F. SS. Viti, & Modesti Diaconus Cardinalis de Abbatibus Oliveriis promitto, voveo, & juro.
- * Ego Alexander S. Mariæ in Cosmedin Diaconus Cardinalis Albanus promitto, voveo, & juro.
- * Ego Alexander S. Mariæ de Scala Diaconus Cardinalis Falconerius promitto, voveo, & juro.
- * Ego N. S. Mariæ ad Martyres Diaconus Cardinalis Judice promitto, voveo, & juro.
- * Ego Antonius S. Nicolai in Carcere Diaconus Cardinalis Bancherius promitto, voveo, & juro.
- * Ego Nerius S. Adriani Diaconus Cardinalis Corfinus promitto, voveo, & juro.
- * Ego B. SS. Cosmæ, & Damiani Diaconus Cardinalis Ruspolus promitto, voveo, & juro.
- * Ego Agapitus S. Georgij in Velabro Diaconus S. R. E. Cardinalis Mosca promitto, voveo, & juro.

A. Card. Prodaturus. E. Cardinalis Oliverius.

V I S A De Curia

J. Archiepiscopus Ancyranus.

Loco * Plumbi.

D. Stivanus.

Registrata in Secretario Brevium.

